

2025 - 2029



NAALAKKERSUISUT

GOVERNMENT OF GREENLAND

# KALAALLIT NUNAANI

saarullinniarnermut aqutsinissamik pilersaarut



Assi: Julius Nielsen, Pinngortitaleriffik

AALISARNERMUT PINIARNERMULLU  
NAALAKKERSUISOQARFIK

<b>1. Tunuliaqtuq</b>	<b>1</b>
1.1 Siunertaq, periusissaq atuuffissaalu .....	2
1.1.1 Imartaq atuuffia .....	3
1.2 Piffissaq atuuffik aamma nalilersuisarnermut aalajangersakkat .....	4
1.3 Inatsisit aamma aqutsinermut akisussaaffik .....	4
<b>2. Aalisarnermut avatangiisinnullu atatillugu aalisagaqatigiinnik ilisarititsineq</b>	<b>5</b>
2.1 Kitaani sinerissap qanittuani saarulliit suffisartut .....	6
2.2 Kitaata avataani saarulliit suffisartut .....	6
2.3 Tunup Islandillu avataanni saarulliit suffisartut .....	7
2.3.1 Misiligtissanik katersineq .....	7
<b>3. Siunnersuineq kiisalu aalisarnermi aqutsinermut aqutseriaatsimullu tunngavigineqartut</b>	<b>8</b>
3.1 Ilisimatuussutsikkut siunnersuineq .....	9
3.2 Pisarineqarsinnaasunik tamarmiusunik aamma pisassanik aalajangersaaneq agguataarinerlu .....	11
3.2.1 Pisarineqarsinnaasunik tamarmiusunik aalajangersaaneq .....	11
3.2.2 Pisarineqarsinnaasut agguarneri .....	14
3.3. Malittarisassioriaatsit .....	15
3.3.1 Pisassiissutit amerlassusaannik naleqqussaaneq .....	15
3.3.2 Sumiiffinni malittarisassaqaqtitsineq .....	15
3.3.3 Sinerissap qanittuani avataanilu suffisarfiit .....	16
3.3.4 Misileraalluni aalisarnerit .....	17
3.3.5 Teknikikkut iluarsartuussineq immamilu uumassuseqarfiusuni mianernartuni aqutsineq .....	18
3.3.6 Saniatigut pisanik aqutsineq .....	18
<b>4. Nalunaaruteqartarneq nakkutilliinerillu</b>	<b>19</b>
4.1 Nalunaaruteqarneq .....	20
4.2 Alapernaarsuineq, Nakkutilliineq aamma Misissuineq (MCS) .....	20
4.2.1 Ullut tamaasa nalunaaruteqartarnerit .....	21
4.2.2 Aalisarnerup unitsinnera .....	21
4.2.3 Umiarsuup elektroniskimik allattaavii .....	22
4.3 Nalunaarutiginninnerit .....	22
<b>5. Innersuussutit ilanngussallu</b>	<b>23</b>
Ilanngussaq 1. Inatsisit atuuttut immikkut attuumassutillit .....	24
Ilanngussaq 2. Saarulliit suffisarfiit piffissarlu suffifflusoq .....	25



Assi: Arctic Prime Fisheries ApS

1

TUNULIAQUT



Assi: Julius Nielsen, Pinngortitaleriffik

## 1.1 SIUNERTAQ, PERIUSISSAQ ATUUFFISSAALU

Aqtsinissamut pilersaarut una inuiaqatigiit kulturianni pissutsinut, inuiaqatigiit aningaaasarsiornerannut siunissarlu ungasinnerusoq eqqarsaatigalugu Kalaallit Nunaanni sinerissap qanittuani (sineriammit tunngaviusumik killeqarfip avataani 3 somil tikkilugu) avataanilu (tunngaviusumik killeqarfip avataani 3 somil-ip avataani) saarullinnik (*Gadus morhua*) uumasoqassutsikkut nungusaataanngitsumik inuussutissarsiutigalugu aalisarnermut, atugassarititaasussanik aalajangersaanissamik siunertaqarpooq. Saniatigooralugu aalisarneq tunisisinnaanermik ilaqartoq<sup>1</sup> aqtsinissamut pilersaarummi matumaniaamma ilaavoq.

Aqtsinissamut pilersaarut Kalaallit Nunaata Kitaani Tunumilu sinerissap qanittuani avataanilu aalisarnermut tunngassuteqartoq qaqtigoortuuvoq. Taamaakkaluartoq aqtsinissamut pilersaarummut uunga tunuliaquataasoq tassaavoq, 2023-mi saarulliit pillugit ilisimatuussutsikkut siunnersuinerup, saarulleqatigiaat akuleruttarnerat takussuseraa - pingaartumik Kalaallit Nunaata Kitaani. Suffisartut assigiinngitsut sisamaasut paasineqarnikuovoq: Tunumi suffisartut, Kitaata avataani suffisartut, Kitaanilu sinerissap qanittuani suffisartut assigiinngitsut marluk. Taamaattumik aalisagaqatigiit immikkoorteqqissaarlugit aalisarneqarsinnaanngillat.

Kalaallit Nunaanni inunnut amerlasoorpassuarnut aalisarneq inuuniarnermut toqqammavialluinnartuuvoq, aningaaqaqarniarnerinnaanngitsukkut kisiannili aamma inuiaqatigiit kulturianni pissutsinut pingaarutilerujussuulluni - aalisarneq piniarnerut Kalaallit Nunaata inuisa ilisarnaataanni pingaaruteqarluinnartuupput. 2022-mi innuttaasut 15%-ii aalisarnermik ingerlataqarfimmisuliffeqartuupput<sup>2</sup>. 2022-mi inuussutissarsiutigalugu aalisartut 1.123-t sinerissap qanittuani saarullinniarnermik ingerlataqarput, taamaattumik kikkut tamarmik pissusissamisornerpaamik saarullinniarluni aalisarnerup aqtsivigineqarnissaanik isumalluuteqarput.

Aalisarnerup aqtsiviginera mianersornerpaamik ingerlakkumallugu, piginnaasaqassutsip (aalisartut amerlassusiat / pisarineqarsinnaasunik tamarmiusut amerlassusiat) aamma pisuussutit (aalisakkat amerlassusiat) akornanni oqimaaqatigiittoqarnissaa pisariaqarpooq. Ullumikkut aalisarnermi pisarineqartartut siunnersuutaasuminngarnit malunnaateqarluartumik amerlanerujussuupput, aqtsinissamullu pilersaarutip uuma pisarineqarsinnaasut tamarmiusut siunnersuinerullu akornanni assigiinngissutip piffissap ingerlanerani millisinissaa anguniarpaa, siuliini allanneqartuni inuiaqatigiit kulturianni pissutsit mianeralugit. Siunissami inuussutissarsiutigalugu aalisartut qulakkeerunniarlugit, saarullinnik pisuussutit aqunneqarnerannut periusissiamik suliaqartoqarnikuovoq. Aqtsinissamut pilersaarut taanna, saarulliit uumaffiinik pitsangorsaataasussanik suliniutinik aalajangersimasunik imaqarpooq, matumanilaatigut imartanik suffisarfinnik piffissakkaartumik matusisarneq aamma pisarineqarsinnaasut tamarmiusut aalajangersartarnerannut ilusiliinissaq ilanngullugu.

Naak saarulliit pillugit ilisimasat nutaanerpaat aallaavigalugit siunnersuisoqartarluartoq, ilisimasanik amerlanerusunik suli pisariaqartitsisoqarpooq. Taamaattumik aalisariutit avataasiortut misissugassanik katersisarnissamik piumasaqaateqarfingineqarnikuupput, ilaatigut Island-ip Kalaallit Nunaatalu akornanni nuutarnerit qulaajaaffiginissaat ikorsiiffiginiarlugu. Ilisimasanik katersinerup taamatuttaaq misileraalluni aalisarneq tapersersinnaavaa.

1 Aalisarsinnaanermut akuersissutit pisassiissutillu pillugit Namminersorlutik Oqartussat nalunaarutaanni § 25 napertorlugu.

2 Pissarsiffik: Kalaallit Nunaanni naatsorsueqqissaartarfik

## 1.1.1 Imartaq atuuffia

Aqtsinissamut pilersaarut Kalaallit Nunaata aalisarnikkut oqartussaaffigisaanut tunngasuuvooq, ICES-ip imartanut<sup>3</sup> XIVa (14a), ICES XIVb (14b), ICES XIIa3 (12a3), ICES Va2 (5a2)<sup>4</sup> aamma NAFO-p 1A-1F siunnersuinerisa ataaniilluni (Ilusilersugaq 1). Tunumi aamma Kalaallit Nunaata kitaani, tunngaviusumik killeqarfimmit 3 sømil-ip iluani, sinerissap qanittuani aalisarneq aqutsiveqarfinnut marlunnit avitaavoq. Kalaallit Nunaata Kitaani aqutsiveqarfik NAFO-p immikkoortua 1 atuuffigaa, taanna isorartussuseqarpoq kujataani Nunap Isuanit ( $59^{\circ}44'N$ ) avannaani Qaanaaq ( $78^{\circ}10'N$ ) aamma Nunap Isuata kitaanut ( $44^{\circ}00'V$ ) tikillugu Tunumilu Kalaallit Nunaata imartaa isorartussuseqarpoq Nunap Isuanit (kipasisssuseq  $44^{\circ}00'V$ ) tassanngaanniillu kangimut. Avataasiorluni aalisarneq aqutsiveqarfinnut tallimanut tunngaviusumik killeqarfimmit 3 sømil-ip avataaniittunut agguataagaavoq. Aqutsiveqarfifit tallimaasut tassaapput Tunup avannaa, Dohrn Banke, Tunup kujataa, Kalaallit Nunaata Kitaata avannaa aamma Kalaallit Nunaata Kitaata kujataa.



**Ilusilersugaq 1:** Kalaallit Nunaat, nunanut aningaasaqarnikkut immikkut oqartussaaffii (EEZ) aappalaartumik titarnertaqarput, titarerullu kitaartup sinerissap qanittuani imartaq nalunaarpaa. Tunumi aqutsiveqarfifit pingasuuusut qernertumik silittumik titarnermiq nalunaarneqarsimapput. Tunu ICES-ip siunnersuisarfiinut (titarneq qasersoq qaamasoq) agguataagaavoq aamma Kalaallit Nunaata Kitaa NAFO-p siunnersuisarfiisa ataaniittumut (titarneq qasersoq qaamasoq) agguataagaalluni, matumanit titarnerup aappalaartup silittup avataasiorluni aalisarnermut aqutsiveqarfifit marluusut akornat nalunaarpaa.

3 Imartat Ilisimatusarfingineqarnerannut Pillugit Nunat Tamalaat Ataatsimiititaliaat

4 Nunat Avannarlit Aalisarnikkut Suleqatigiiffiat (NAFO)

## 1.2 PIFFISSAQ ATUUFFIK AAMMA NALILERSUISARNEWMUT AALAJANGERSAKKAT


Taanna tassaavoq, Kalaallit Nunaat tamakkerlugu saarullinnut sinerissap qanittuanittunut avataaniittunullu aqtsinissamut pilersaarut siulleq. 1. januar 2025-miit 31. december 2029-mut atutissaaq. Piffissap taassuma ingerlanerani aqtsinissamut pilersaarut nalilersorneqassaaq nutarterneqaratarsinnaallunilu, taamaalilluni pilersaarut nutaaq nutartigarluunniit 1. januar 2030-miit atuutilersinneqarsinnaassalluni. Allannguerujussuarnerit alisnerup ilusilersugaanerani, siunnersuisarnermut tunngavinni (tassunga ilanngullugit nalilersuinermi najoqquqtassani) assingusuniluunniit piffissap ingerlanerani pissappata, nutarterineq ingerlanneqartariaqarsinnaavoq. Taama iliornikkut qulakkeerneqarsinnaavoq, piffissami matumani aalisnermut atatillugu sukkulluunniit piffissami aqtsinissamut pilersaarut eqortumik takutitsillunilu uppennassuseqartoq.

Aqtsinissamut pilersaarummik allannguinerit suulluunniit, Naalakkersuisut akuersinerannik piumasaqaateqarput. Ilanngussani nassiuinneqartuni allannguutit, Aalisnermut Piniarnermullu Naalakkersuisoqarfimmit (APN) allaffissornikkut suliarineqarsinnaapput.

Qiterpaarnerani nalilersusoqassaaq, piffissap atuuffiani ukiut pingajuanni pisarineqarsinnaasunik tamarmiusunik aalajangersaanissaq immikkut isigalugu. Qiterpaarnerani nalilersuinermut tessunga tunuliaqutaasoq pisarineqarsinnaasunik tamarmiusunik aalajangersaaneq pillugu immikkoortup 3.2-mi itisilerneqarpoq.

## 1.3 INATSISIT AAMMA AQUTSINERWMUT AKISUSSAAFFIK

Kalaallit Nunaanni aalisarnermik aqtsineq tamatumunngalu akisussaaffik Naalakkersuisuniippoq aamma Aalisnermut Piniarnermullu Naalakkersuisumiilluni. Aalisnermut inatsimmit atuuttumit aallaaveqarluni Naalakkersuisoq aalajangiiffigisassatut siunnersummik suliaqassaaq, kingornalu Naalakkersuisut akuttungitsumik ataatsimiittarneranni aalajangiiffigisassatut siunnersuutinut Naalakkersuisut isummertassapput. Pisarineqarsinnaasut tamarmiusut pisassiisutillu aalajangersarneqartussanngoraangata agguataarneqarlutillu, Aalisarneq pillugu Inatsisartut inatsisaanni inatsisitigut tungavissinneqartumik, aalisarsinnaanermut akuersissutit pisassiisutillu pillugit Namminersorlutik Oqartussat nalunaarutaani aamma nunat tamalaat isumaqtigiissutaannut naapertuutumik taakku aalajangiiffigisassatut siunnersummi saqqummiinneqartassapput. Aqtsinissamut apeqqutit taama ittut, Aalisnermut inatsit atuuttoq naapertorlugu Aalisarneq pillugu siunnersuisoqatigiinnut tusarniaassutigineqartassapput<sup>5</sup>. Aqtsinissamut apeqqutinik taama ittunik tusarniuteqarnerit Naalakkersuisut nittartagaanni<sup>6</sup> tamanit pissarsiarineqarsinnaassapput, taamatuttaaq tusarniaanermut piffissaliussap qaangiutereernerani tusarniaanermut akissutit pissarsiarineqarsinnaassallutik.



<sup>5</sup> Aalisarneq pillugu Inatsisartut inatsisaat naapertorlugu Aalisarneq pillugu siunnersuisoqatigiit pilersinneqarput, ilaatigullu aalisarneq pillugu soqutigisaqaqatigiit kattuffiinik ilaasortaqassallutik.

<sup>6</sup> Nalunaarutit.gl

2

# AALISARNERMUT AVATANGIISINULLU ATATILLUGU AALISAGAQATIGIINNIK ILISARITITSINEQ

Nunatta imartaani saarulliit suffisarfinnit assigiinngitsuneersuusarput. Siunnersuineq ukiumoortumik ICES-imit tunniunneqartarpooq<sup>7</sup> illorsorneqarsinnaasumik aalisarnissamut periarfissat pitsaanerpaanngortinnissaat patajaannerulerlernissaallu siunertaralugit.

Saarulliit suffisartoqatigiit tassaapput (Titartagaq 2):

- Kitaani sinerissap qanittuata avannaatungaani saarulliit suffisartut (N-WISC)
- Kitaani sinerissap qanittuani kujataatungaani saarulliit suffisartut (S-WISC)
- Kitaata avataani saarulliit suffisartut (WOSC)
- Tunup Islandillu avataanni saarulliit suffisartut (EGIOSC)

Suffiffiu nalaani saarulliit inersimasut tukerfigisamik eqqaanut suffiartorlutik utertarpuit, saarulliilli inerinnikuungitsut nerisassarsiorfimminniiginnartarpuit. Taamaattumik ukiup ingerlanerani piffissani tamani imminnut akuleruttarput, taamaalilluni pisat saarullinnik suffisartoqatigiinneersunit arlalinneersunit ilaqlarsinnaasarput. Saarulliit suffisartoqatigiinnit sorlerneernersut paasiniarlugit sannaasa misissornissaat pisariaqarpoq. Naalakkersuisut taamaammat nunap immikkoortukkuutaarlugu aalisartunut pisassiissuteqartarpuit – suffisartoqatigiit malinnagit.

## 2.1 KITAANI SINERISSAP QANITTUANI SAARULLIIT SUFFISARTUT

Kitaani saarulleqatigiit suffisartut pingasuupput. Avataani suffisartut ataatsit sinerissallu qanittuani suffisartut marluk. Sinerissap qanittuani saarulleqatigiit suffisartut marluk sannamikkut assigiinngissuseqanngillat, kisianni Pinngortitaleriffik nalunaaqutsersuilluni misileraanermi inerniliussat, ilisimatuussutsikkut misissuinerit aalisarnerillu aallaavigalugit inerniliivoq, saarulleqatigiit taakku marluk ima assigiinngitsigisut, immikkut pineqartariaqarlutik. Sinerissap qanittuani kujasinnerusumi aalisagaqatigiit Nuup eqqaani pingaartumik amerlalluinnarput, avannarpasinnerusumilu aalisagaqatigiit Maniitsumiit Sisimiut tungaanut amerlasuujjullutik. Saarulliit sinerissap qanittuani suffisartut nikineq ajorput aamma nalunaaqutsersuinerit takutippaat kangerluit akornanni nikerarneq ajortut. Saarulliit Kitaani suffisarfippassuaqarput, kujasinnerusumili suffisarfii pingaernerit Kapisillit qinnguaniipput aamma Nuup eqqaani Ameralimmiaillutik. Avannarpasinnerusumi saarulliit suffisartut erseqqissumik ilisimasaqarfigineqanngillat, kisianni Sisimiut eqqaanni kangerlunni assersuutigalugu Ikertuup qinngua Qeqertalillu imartaapput pingaarutilit (ilanngussaq 2 takuu).

Sinerissap qanittuani angallatit mikinerusut umiatsiaaqqallu atorlugit saarullinniartoqartarpooq, tamatumani aalisarnermut atortut pingaernerit tassaallutik bundgarnit aamma aalisaatit amuartaatit. Taamatuttaaq ningittakkat qassutillu annikitsumik atugaapput.

## 2.2 KITAATA AVATAANI SAARULLIIT SUFFISARTUT

Nunatta Kitaata avataani saarulleqatigiit suffisarfii pingaernerit tassaapput Toqqusaq aamma Dana Banke (ilanngussaq 2 takuu), kisianni Qeqertarsuup Tunua tikivillugu suffisarput. Saarulleqatigiit sinerissap qanittuata avataatalu akornanni nikittarput. Taamaammat sumiiffiit ilaannit piffissakkutaartumik saarulliit tammakarallartarpuit, Kalaallit Nunaatali imartaaniiginnartarlutik. Sinerissap qanittuata avataatalu akornanni nikittarneq, ammassannik nerisassarsiornermik patsiseqarnerunnguatsiarpoq. Aalisagaqatigiit pingaartumik Sisimiut avannaani aalisarnermi takussaapput.

<sup>7</sup> Imartat Ilisimatusarfingineqarnerannut Pillugit Nunat Tamalaat Ataatsimiititaliaat



Assi: Julius Nielsen, Pinngortitaleriffik

## 2.3 TUNUP ISLANDILLU AVATAANNI SAARULLIIT SUFFISARTUT

Tunup Islandimillu saarulleqatigiiviniit saarulliit Kalaallit Nunaat tamakkerlugu aalisarneqartarpuit.

Tunup Islandimiillu saarullii suffisartut, Islandip Kalaallit Nunaata akornanni nuttartarpuit. Nuttartarnerit ilusaat marluk maluginiarneqarsimapput. Nuttartarnerup ilusaata aappaan uppernarsaasersorluagaavoq ilisimaneqarlularlunilu, nuttartarnerulli ilusaata aappaan suli ilisimasaqarfingineqarpallaarnani.

Nuttartarnerit ilusaat ilisimaneqarluartut tassaapput, saarulliit suaat tukerlaallu Kalaallit Nunaata imartaani alliartortarfinnut sarfaatsitittarpuit. Tukerlaat ilarpassui Kalaallit Nunaata Kitaanut ingerlanneqartarpuit, tassani alliartortarlutik. Saarulliit suffisinnaanngoraangamik (ukiut 5 miss.) amerlasoorpassuullutik Islandip imartaanut uterlutik ingerlaartarpuit. Saarulliit suaat Island-imuit Kalaallit Nunaannut ukiut tamaasa sarfaatsitittarpuit, kisianni saarulliit suappassui ukioqatigiaat qaqutigorsuaannaq naammattoorneqartarpuit (kingullermik suaat ukioqatigiaat amerlasuut Island-imuit aallaavilittut nalunaarsorneqartut 2003-meersuupput). Kalaallit Nunaannit Island-imut saarulliit ingerlaartarnerat uppernarsaaserneqarnikuovoq, ilaagitug oqaluttuarisaanerup ingerlanerani piffissamilu matumani nalunaqautsersuilluni misileraanerit aqutigalugit, soorluttaaq suaat tulerlaallu Island-imuit Kalaallit Nunaannut sarfaatsitittarnerat uppernarsaaserneqarluarsimasoq.

Nuttartarnerit ilusaat ilisimaneqanngitsut, saarullinnut Dorhn Bankemiittunut tunngapput. Dohrn Bankemi saarulliit angissusaat imartanit allaninngarnit agguoqatigiissillugu anginerujussuupput saarullippassuillu pisarineqartarlutik. Tamatumma takutippaa, Islandimit Dorhn Bankemut saarullippassuit ingerlaartarnerat pisartoq. Saarulliit amerlassusaat nuttartarnerlu piffissap qanoq ilinerani pisarnersoq, suli ilisimaneqanngillat. Taamatut nuttartarneq, ammassat Kalaallit Nunaata imartaanut nuttartarnerannut, nerisassarsiorfigisartagaannut attuumassuteqartoq ilimagineqarpoq; pissutsilli suusimasinnaaneri ersarinnerusumik ilisimaneqanngillat aamma taamatut nuttartarnerup qanoq pisartiginera sukumiinerusumik misissuiffiginissaq nassuerutigineqarpoq pisariaqartoq.

Tununi aamma Island-imi saarulliit suffiaasimasut sananeqaataitimikkut immikkoortinneqarsinnaanngillat, tamakku Tunup aamma Island-ip avataanni suffisartunut ilaapput. Aalisagaqatigiit uku (Islandip Kalaallit Nunaatalu imartaanniittut) ICES-imi immikkut naliliiffigineqartarpuit. Tunup imartaani Kleine Banke suffisarfiit pingaarnersaraat. Maani saarulliit qaammatini marts-maj-imi suffiartorlutik katersuuttarpuit. Piffissami suffifiup avataani saarulliit siammarsimanerusarput.

Avataani aalisarneq kilisaatinit ningittagarsuutinillu ingerlanneqartarpooq. Angallatit Kalaallit Nunaanneersut avataani aalisartut saarulliit amerlanerpaartaannik pisaqartarpuit, kisianni aalisariutit nunanit allaneersut aalisarnermut aamma peqataasarpuit, Kalaallit Nunaat peqatigalugu nunat marluk isumaqatiginninniarnerat aqutigalugu pisassiissutaasut atorlugit.

### 2.3.1 Misiligutissanik kartersineq

Aalisarnermi saarulliit imminnut akuleruttarnerat (ukioqqortussuseq angissuserlu) kiisalu Kalaallit Nunaanni aamma Kalaallit Nunaata Island-illu akornanni nuttartarnerat pillugu ilisimasut pitsaunerulersinnissaat siunertaralugu, aalisariutit peqataasut Pinngortitaleriffimmuit nassiunneqartussanik uumasulerinikkut misilitissanik kartersinissamik piumaffigineqarsinnaapput. Uumasulerinikkut misilitissanik kartersinissaq pillugu piumasaqaat, Pinngortitaleriffik suleqatigalugu Aalisarnermut Piniarnermullu Naalakkersuisoqarfimmit aalajangersarneqarnikuovoq, misiligutissanillu tigusisarnissaq pillugu ilitfersuut ersharrinnerusoq aalisarsinnaanermut akuersissutinut tunniunneqartunut ilanngussatut kakkiunneqartarpooq.




3

## SIUNNERSUINEQ KIISALU AALISARNERMI AQUTSINERMUT AQUTSERIAATSIMULLU TUNNGAVIGINEQARTUT

## 3.1 ILISIMATUUSSUTSIKKUT SIUNNERSUINEQ

ICES Nunatsinni saarulleqatigii pillugit siunnersuisarpooq. Oqaatigineqareersutut suffisartoqatigiit tunngavigalugit siunnersuisoqartarpooq - *sumiiffikkutaarnagit*. Saarulleqatigiikkuutaat sisamat assigiinngitsut siunnersuiffigineqartarpuit:

- Kalaallit Nunaata Kitaani sinerissap qanittuata avannaatungaani saarulliit suffisartut
- Kalaallit Nunaata Kitaani sinerissap qanittuata kujataatungaani saarulliit suffisartut
- Kalaallit Nunaata Kitaata avataani saarulliit suffisartut
- Tunup Islandillu avataanni saarulliit suffisartut



**Ilusilersugaq 2:** Suffisartoqatigiit ataasiakkaat siammarsimassusaat. Sinerissap qanittuani suffisartoqatigiaat Kalaallit Nunaata Kitaata avataani qaqtiguinnaq naammattoorneqartarpuit.

Suffisartoqatigiit imminnut akuleruttarput, taamaattumillu Kalaallit Nunaata Kitaani imartat ilaanni siunnersuinerit imminnut qalleraattarput (Ilusilersugaq 2).

Kalaallit Nunaanni saarulleqatigiit pillugit ICES-imit ilisimatuussutsikkut siunnersuineq ukiut tamaasa junimi saqqummiunneqartarpooq.

Kalaallit Nunaata Kitaani saarulleqatigiinnut suffisartunut, ICES-ip siunnersuisarnermini immikkoortitsisarnerani 1-imi misissueqqissaarnermut periuseq atortagaa<sup>8</sup> siunnersuinernut tunngaviusarpoq. Aalisagaqatigiit aamma aalisarnermi pisarineqartartut ukioqqtortussutsikkut angissutsikkullu imminnut akuleruttarnerat pillugu uppernarsaatnik peqarnissaq, periutsimik tassannga atuinissami pisariaqartinneqarpoq. Ilisimatusarnermi qalorsorsuarnit natersiutinit misissuissutinit marlunnit kiisalu sinerissap qanittuani qassutinit misissuissutinit atorlugit aalisarnermiit paasissutissat naatsorsuinermi atorneqartarpoo. Kalaallit Nunaata qalorsorsuarnik natersiutnik 2005-imiilli (2021 minillugu) juni-julimi misissuineraniit (50-600 m), Tyskland-ip qalorsuarnik natersiusinik 2000-imiilli (2021 minillugu) oktober-imi misissuineraniit aamma sinerissap qanittuani qassusersorluni 2002-milli (2007-2009 minillugit) maj-junimi misissuinermiit ukioqqtortussutsimut agguataarlugit paasissutissat, aalajangersimasumik ukioqqtortussutsimut agguataakkat paasissutissat aalisarnermeersut tassunga ilaapput. assessments.

Tunup Islandillu avataani saarulliit suffisartut pillugit siunnersuinerrik suliaqarneq pisariusunngortinneqartarpooq, Tunumi imartani assigiinngitsuni aalisagaqatigiit imminnut akuleruttarnerat sunniuteqartartullu pillugit ilisimasat assigiinngitsorujussuunerat pissutigalugu. Imartaq avannarpasinnerusoq (ICES-ip imartaq siunnersuiffigisartagaa 14a) ilisimatuussutsikkut misissuivigineqarnikuunngilaq, iluanaarniarfigalugulu aalisarfigineqarnani. Tamatuma kingunerisaanik, aqutsiveqarfimmi Tunup avannarpasissuani piviusumik saarullinnik peqassuseq taakkulu qanoq siammasitsiginersut, ilumoortumik ilisimaneqanngillat. Dohrn Banke ilaannakuusumik ilisimatuussutsikkut misissuiffigineqarnikuuvooq tassanilu aalisartoqarluartarpooq aalisagaqatigiit naatsorsornissaannut paasissutissanut aamma tapersiisseqarluartartumik. Saarulliit inersimasut Islandip imartaaniit Dohrn Bankemut ingerlaartartut ilimagineqarpoq, kisianni tamanna ilisimatuussutsikkut uppernarsaaserneqarnikuunngilaq. Nalorninartut tamakku pissutigalugit ilisimatuussutsikkut siunnersuineq, 2022-mi ICES-ip siunnersuisarnermini immikkoortitsisarnera 5-imiit pisat paasissutissaannit taamaallaat aallaaveqarpoq<sup>9</sup>.

KANUAPNA-p, angallatit aalisariutit aamma Pinngortitaleriffik uppernarsaatnik tunniussisuupput.

Siunnersuinermut iluseq pitsaanerpaaq qulakkeerumallugu, benchmark assessments-imiik (sanilliunneqarsinnaasunik misissueqqissaarneq) taaneqartartoq atorlugu suliamik ingerlatsineq ingerlaavartumik nalilersuiffigineqartarpooq.



Assi: Julius Nielsen, Pinngortitaleriffik

<sup>8</sup> ICES-ip siunnersuisarnermini immikkoortitsisarnera 1 malillugu siunnersuineq immikkoortigaammat, tamanna isumaqarpoq aalisakkat toqorartarnerat (F) atorlugu paasissutissanik naammattunik peqartoqarluunilu aalisagaqatigiinnut sunniuteqartartut ilisimaneqart aalisagaqatigiinnik atuinssinaanerup qaffassisusissaanik aalajangersaasinnaajumalluni, nungusaataanngitsumik illorsorneqarsinnaasumillu amerlanerpaanik atuinssamut tunngavit (maximum sustainable yield (MSY)) malillugit.

<sup>9</sup> ICES-ip siunnersuisarnermini immikkoortitsisarnera 5 malillugu siunnersuisarneq immikkoortigaammat tamanna ima isumaqanngilaq, amerlanerpaanik atuinssamut tunngavit (maximum sustainable yield (MSY)) malillugit aalisakkat toqorartarnerat (F) atorlugu aalisagaqatigiit aalisarfiginerisa qaffassisusianik aalajangersaasinnaajumalluni aalisagaqatigiinnut sunniuteqartartunut ilisimasat naammattut pigineqanngitsut. Taamaammat mianersornissamik tunngavik malillugu siunnersuisoqarpoq, taanna 2022-mi pisassat 20 %-imiik ikileriaatigivaat.

## **3.2 PISARINEQARSINNAASUNIK TAMARMIUSUNIK AAMMA PISASSANIK AALAJANGERSAANEQ AGGUATAARINERLU**

### **3.2.1 Pisarineqarsinnaasunik tamarmiusunik aalajangersaaneq**

Immikkoortoq 1.3 naapertorlugu Naalakkersuisumit aalajangiiffigisassatut siunnersuut tunngavigalugu Naalakkersuisut pisarineqarsinnaasut tamarmiusut aalajangersartarpaat.

#### **Sinerissap qanittua**

##### **Kitaat**

Pisarineqarsinnaasut tamarmiusunut iluseritinneqartup aalisagaqtigiinnik paarlangasumik paasinnittarneq eqqumaffiginiarsarivai, ilutsimi siunnersuineq pisarineqartartullu ilaatinnerisigut.

Kitaani sinerissap qanittuanı ataasiinnarmik aqutsiveqarfearpoq, kisianni aalisagaqtigiinnut suffisartunut marlunnut siunnersuisoqartarluni (avannarpasissumi sinerissap qanittuanı aalisagaqtigiit suffisartut (N-WISC) kujassisumilu sinerissap qanittuanı aalisagaqtigiit suffisartut S-WISC). Tamanna pissutigalugu NAFO 1A-C-mut (N-WISC-mut) pisarineqarsinnaasut tamarmiusut naatsorsorneqaqqaartariaqarput, kingornalu aatsaat NAFO 1D-F-imut (S-WISC-imut) pisarineqarsinnaasut tamarmiusut naatsorsorneqarlutik kiisalu taakku katillugit Kitaani sinerissap qanittuanı pisarineqarsinnaasut tamarmiusut naatsorsorneqassallutik.

Sunniisartoq kingulleq ilutsimut ilaatinneqartoq tassaavoq, sukkassutsimut sunniisartoq *k*. Sukkassutsimut sunniisartoq tassaavoq kisitsit 0-up 1-illu akornaniittooq, tassani siunnersuinerup qanoq sukkatigisumik qanilliartornera taaneqartarpoq. 1-imut qaninnerugaanni, siunnersuineq sukkannerusumik qanilliartortarpoq. Aqutsinissamut pilersaarutip atuuffiani siullermi ukiuni marlunni sukkassutsimut sunniisartoq 0,2-mut inissinneqarsimavoq. Aqutsinissamut pilersaarummi atuuffianut ukianut pingajuanı Aalisarneq pillugu siunnersuisoqatigiit qiterpaarnerani nalilersuinissamut qaaqquneqassapput, tassani siunnersuinermut malitassaq allanngortinnejassanersoq oqaluuserineqassalluni. Oqallinnermi saarulliit pillugit ukiumut nalunaarut aallaavigneqassaaq, taanna immikkoortumi "sinerissap qanittuanı avataanilu – atuisut ilisimasaannik peqataatitsineq"-mi allaaserineqarpoq.

#### **NAFO 1A-C**

$$TAC_{202x+1} = \frac{1}{genetisk\ andel} \cdot Fangst_{N-WISC202x-1} - k \cdot (Fangst_{N-WISC202x-1} - Rådgivning_{N-WISC202x+1})$$

#### **NAFO 1D-F**

$$TAC_{202x+1} = \frac{1}{genetisk\ andel} \cdot Fangst_{S-WISC202x-1} - k \cdot (Fangst_{S-WISC202x-1} - Rådgivning_{S-WISC202x+1})$$

$$TAC_{NAFO\ 1} = TAC_{NAFO\ 1AC} + TAC_{NAFO\ 1DF}$$

Matumanı x-p ukioq ingerlasoq taasarpaa, x-1 tassaalluni ukiup siulia, x+1 tassaalluni ukiup tullia (Pisarineqarsinnaasut tamarmiusut naatsorsornissaat ukiumi tassani kissaatigisaasarpoq) aamma *k* tassaavoq sukkassutsimut sunniisartoq.

Inuuniarnikkut soqtigisat inuussutissarsiornermilu pissutsit aallaavigalugit ukiumut pisat annertuumik tassanngaannartumillu nikerarternerisa pinngitsoortinnissaat pissusissamisuussaaq. Tamanna tunngavigalugu aqutsinissamut pilersaarummi piumasarineqarpoq, pisarineqarsinnaasut tamarmiusut ukumiit ukiumut annerpaamik 10 %-imik allanngorarsinnaassasut.



Assi: Julius Nielsen, Pinngortitaleriffik

## Tunu

Tunumi sinerissap qanittuani killilersugaanngitsumik aalisartoqartarpooq. Tunumi sinerissap qanittuani aalisarneq killeqartorujussuusimavoq/ killeqartorujussuovoq tamannalu pissutaalluni Tunumi sinerissap qanittuani ilisimasat annikitsuraallutik. Killilersugaanngitsumik aalisarnermi ilisimasat amerlinerusarput kiisalu Tunumi sinerissap qanittuani aalisarnermik inerisaataallunilu siuarsaataalluni.

## Avataasiortut

### Kitaat

Ukiuni arlalinni 2023 tikillugu Kitaata avataani aalisarneq pillugu siunnersuisarnermi, aalisartoqannginnissaa ilaasarsimavoq. Taamaammat imartaq pineqartoq aalisagaqtigii ikippallaarnerat pissutigalugu ukiorpassuarni iluanaarniutigalugu aalisarnermut matoqqanikuovoq. Ukiuni 2023-mi aamma 2024-mi avataani saarullinnik suffisartunik misileraalluni aalisarneq ingerlanneqarpoq, tassa 2024-milli imartamut siunnersuisoqarnikuummat siunissaq isigalugu siunnersuineq taanna aallaavigalugu iluanaarniutigalugu aalisarnermut ikaarsaartoqarsinnaalerpoq. Aalisarnerulli ingerlanneqarnera siunnersuinermik sippuisussaassaaq, tassa aalisagaqtigii sinerissap qanittuani aalisarneq aqutigalugu aalisarfigineqartussaammata. Pinngortitaleriffik suliaanik tapersorsorniarlugu aalisarnermi misiligtissanik tigusisarnissaq piumasaqaataassaaq.

Inuaqatigii aningaasaqarneranni inuussutissarsiornermilu pissutsit aallaavigalugit ukiumut pisat annertuumik tassanngaannartumillu nikerartarnerisa pinngitsoortinnissaat pissusissamisuussaaq. Tamanna tunngavigalugu aqutsinermut pilersaarummi aalajangerneqarpoq Naalakkersuit ukiumut ataatsimut annertunerpaamik 15 %-imik allannguisoqarnissaa piumasaqaatigalugu ilisimatuussutsikkut siunnersuineq naapertorlugu pisarineqarsinnaasunik tamarmiusunik aalajangersaasassasut.

Aatsaat immikkorluinnaq pisoqarnerani, ilisimatuussutsikkut siunnersuinerup tikkuuppagu aalisagaqtigii amerliissasut iklissasulluunniit, pisarineqarsinnaasut tamarmiusut pillugit aalajangersaasarnermi aqutsinermut maleruagassaq siuliani allanneqartoq saneqqunneqarsinnaavoq. Taamatut pisoqartillugu ajornartorsiutit ajornartorsiutaalersussatulluunniit ilimagineqartut aqqiissutissarsiornissaq siunertaralugu Aalisarneq pillugu Siunnersuisoqatigii immikkullu ilisimasallit aalajangeeqataasinnaanatik peqataatinneqartartut aggersarneqassapput.

Pissutsit immikkut ittutut isigineqartut Aalisarneq pillugu Siunnersuisoqatigiit ataatsimiigiaqquneqarnerannut pissutaasinnaasut tassaapput:

1. Ilisimatuussutsikkut siunnersuinerup innersuussutigippagu pisarineqarsinnaasut tamarmiusut 15 % sinnerlugu ikilisinneqassasut.
2. Ilisimatuussutsikkut siunnersuinerup innersuussutigippagu pisarineqarsinnaasut tamarmiusut 20 %-imik taannaluuniit sinnerlugu amerlineqassasut.

Taamatut immikkut ittumik pisoqartillugu Aalisarneq Pillugu Siunnersuisoqatigiit Naalakkersuisoqarfimmit inassuteqaat naapertorlugu aaqqiissutissaajunnartunik Naalakkersuisunut siunnersuuteqartassapput. Pissutsini taamaattuni immikkut pisuni pisarineqarsinnaasut tamarmiusut aalajangersarnissaannut siuliini nassuarneqartup aqutsinermut malittarisassap saneqqunnissaa Naalakkersuisut toqqarsinnaavaat.

Pisarineqarsinnaasunik tamarmiusunik aalajangersaaneq ilisimatuussutsikkut siunnersuinermut sapinngisamik sukkanerpaamik naapertuuttungortinneqassaaq.

Aalisarnermut, Piniarnermut Nunalerinermullu Naalakkersuisup Kalaallit Nunaata Kitaata avataani qaleralinnut pisarineqarsinnaasunik tamarmiusut aalajangiinissaq pillugu aalajangiinissatut siunnersummik Naalakkersuisunut saqqummiinnginnerani, Aalisarneq pillugu Siunnersuisoqatigiit tusarniaaffigineqareersimassapput aamma Aalisarneq pillugu Siunnersuisoqatigiit tusarniaanermut akissutaat inassuteqaateqarnermut tunngaviup ilagissallugit.

#### **Tunu**

Tunumut tunngatillugu massakkut paassisutissanik amigaateqarneq tunngavigalugu siunnersuisoqartarpooq ilaatigut saarulliit Islandip Tunullu akornanni nuttarneri pilligit ilisimasat killeqarmata. 2022-mi pisat aallaavigalugit siunnersuineq aalajangersagaavoq, paassisutissallu aallaavigineqartut amerlanerulinnngippata, siunnersuinermut tunngaviusartoq allangussangitsoq naatsorsuutigineqarpooq. Ataatsimut isigalugu Dohrn Banke-mi saarulliit Island peqatigalugu aalisagaqatigiupput avitseqatigiffiunnguartsartut, aalisagaqatigiillu Kalaallit Nunaata atorsinnaasaanit amerlanerujussuupput. Taamaammat ukiumoortumik pasarineqarsinnaasut tamarmiusut naleqqusarnissaannut aqutsinissamut pilersaarut una periarfissiivoq. Nalimmassaasoqassappat aalisarnermit paassisutissanit soorlu CPUE-mi inerartornermit taanna tapersorsorneqassaaq, tamanna ukiumoortumik saarullinnut nalunaarusiamti atuarneqarsinnaasassaaq, matumanimimmikoortumi "sinerissap qanittuani avataanilu – atuisut ilisimasaannik peqataatitsineq" takusassiaq 1-imti atuarneqarsinnaalluni.

#### **Sinerissap qanittuani avataanilu – atuisut ilisimasaannik ilaatisineq**

Saarullinnut tunngatillugu Aalisarnermut Piniarnermullu Naalakkersuisup pisarineqarsinnaasut tamarmiusut pilligit aalajangiiffigisassatut siunnersuutip Naalakkersuisunut saqqummiutinnginnerani, suliassami Aalisarneq pillugu Siunnersuisoqatigiit tusarniaaffigineqarsimapput aamma Siunnersuisoqatigiit tusarniaassummut akissuteqaataat inassuteqaammut tunngavigineqartut ilagaat.

Aalisartut ilisimasarilluagaat Naalakkersuisoqarfiup peqataatillugit atorluarumavai. Taamaammat siunissami Nunatsinni sarullinniarneq pillugu ukiumut nalunaarusiortoqartassaaq ilaatigut pisarineqarsinnaasut tamarmiusut aalajangersaanermut naliersuinermut atorneqartassalluni. Naalakkersuisoqarfik nalunaarusiamut tunngavissat pilligit suliaqassaaq sinerissallu qanittuani avataasiortunilu suliaqartunut apeqqutinik immersugassanik nassiuissuissalluni. Nalunaarusiaq Aalisarneq pillugu siunnersuisoqatigiinnut avinneqassaaq Naalakkersuisoqarfiullu nittartagaani tamanit takuneqarsinnaassalluni.



Foto: Julius Nielsen, Pinngortitaleriffik

## 3.2.2 Pisarineqarsinnaasut agguarneri

### Sinerissap qanittua

Paasissutissat pigineqartut annertusineqarnissaata tungaanut Tunumi killeqanngitsumik aalisartoqarpoq. Kitaani aalisarneq pagatassiinertut ingerlanneqartarpoq, tassanilu aalisartut tamarmik pisassiissutinut taakkununnga aalisartarput.

Kitaani pisassiissutinit tamakkiisumit saniatigooralugu aalisartunut tunisinissamut akuersissuteqartunut pisassiisoqartarpoq, taaku taamaallaat aalisaatit snellellu atorlugit aalisarsinnaapput.

### Avataasiortut

#### Tunu

Pisarineqarsinnaasut tamarmiusut aalajangersarneqareeraangata Naalakkersuisut illugiilluni nunanik allanik isumaqatigiinniarerit aallartittarpaat. Ataatsimiinnerni angusat aallaavigalugit pisarineqarsinnaasut tamarmiusut aalajangersarneqareersimasut ilaat nunanit allanit pisarineqartussanngortinneqartarput.

Illuatungeriilluni isumaqatiginniniarerit Naalakkersuisunit naammassineqareeraangata pisarineqarsinnaasut sinneri kalaallit aalisartuinut agguaanneqartarput.

#### Kitaa

Pisarineqarsinnaasut tamarmiusut aalajangersarneqareerpata, agguaassinermi najoqqutassaq (takussutissiaq 1) aallaavigalugu aqutsiveqarfinni pisassat agguataarneqassapput, aalisagaqtigiaat pingasut aalisarneqarneranni oqimaaqtigiiitsinissaq qulakkeerumallugu.

**Takussutissiaq 1:** Kitaani avataasiortuni saarullinniarluni aalisarnermut agguaassinermut najoqqutassiaq

Aqutsiveqarfik	Agguassinermi najoqqutassaq
Kalaallit Nunaata Kitaata avannaa (NAFO 1A-1C)	30%
Kalaallit Nunaata Kitaata kujataa (NAFO 1D-1F)	70%



## 3.3 MALITTARISASSIORIAATSIT

### 3.3.1 Pisassiissutit amerlassusaannik naleqqussaaneq

#### Sinerissap qanittua

Sinerissap qanittuani aalisarneq akuersissutit piffissami killilikat ukiullu ataasiakkaarlugit tunniunneqartartut atorlugit aqunneqarpooq. Aalisariutit umiatsiaaqqallu tamarmik pisassat ataatsimoorussat nungunnissaasa tungaanut aalisarsinnaapput. Inuussutissarsiutigalugu saniatigooralugulu tunisisarlutik aalisartut tamarmik aalisarsinnaanissamut akuersissummik ukiut tamaasa qinnuteqartassapput. Akuersissutit Aalisarsinnaanermut akuersissutit pisassiissutillu pillugit Namminersorlutik Oqartussat nalunaarutaat tunngavigalugu tunniunneqartarput. Aalisarsinnaanissamut akuersissutit umiatsiaaqqanut angallatinullu 6 meter angullugu angissusilinnut angallatit usitussutsimut uuttuutaat malillugu 75 BRT imaluunniit 120 BT<sup>10</sup> inorlugit angissusilinnut tunniunneqartarput. Aalisarnermut akuersissutit pisassiissutillu pillugit nalunaarut naapertorlugu akuersissut inummut tunngasummat akuersissummik pigisaqartoq aalisarnermi aamma tunisinermi najuutissaaq.

Aalajangersakkat erseqqinnerusut Aalisarsinnaanermut akuersissutit pisassiissutillu pillugit Namminersorlutik Oqartussat nalunaarutaani atuarneqarsinnaapput.

#### Avataasiortut

Avataasiortuni aalisarnerit akuersissutit piffissamut killiligaasut amerlanerpaanillu pisaqarnissamut akuersissutitallit atorlugit aqunneqarput, taakkulu ukiukkaartumik tunniunneqartarlutik. Akuersissutit Pisassiissutillu pillugit nalunaarut naapertorlugu ingerlatsisut aappaagumut aalisarnissamut ukiakkut qinnuteqartarput. Aalisarsinnaatitaanermut akuersissutit sumiiffinnut aalajangersimasunut atuupput pisassiissutillu aqutsiveqarfiiit assigiinngitsut akornanni nuunneqarsinnaangillat.

Kalaallit Nunaanni ingerlatsisut Aalisarnermut Piniarnermullu Naalakkersuisup isummernissamut tunngavissiatigut tunngavilersuutai naapertorlugin avataasiortuni aalisarsinnaanissamut akuersissummik Naalakkersuisunit tunineqartarput, immikkoortoq 1.3 takuuq. Aalisarsinnaanermut akuersissutit pisassiissutillu pillugit Namminersorlutik Oqartussat nalunaarutaat napertorlugu pisassat agguanneqartarput. Kalaallit Nunaata nunanik allanik ataasiakkaanik illuatungeriittut isumaqatigiissutai atuuttut naapertorlugin Aalisarnermut Piniarnermullu Naalakkersuisoqarfik, nunanut allanut imaluunniit nunani allani ingerlatsisunut aalisarsinnaanermut akuersissutinik tunniussisarpoq.

### 3.3.2 Sumiiffinni malittarisassaqartitsineq

#### Sinerissap qanittua

Sinerissap qanittuani aalisarneq aqutsiveqarfinnut marlunnut agguataarneqarnikuuvooq. Kitaa aamma Tunu. Kitaani sinerissap qanittuani saarullinniarluni aalisarneq tunngaviusumik killeqarfimmit 3 somil-ip iluani Kalaallit Nunaata aningaasaqarnikkut oqartussaaffigisaata (EEZ) ilaani, siunnersuiffingeqartumi NAFO 1A-1F-imi (Takussutissiaq 2) inissismasumi ingerlanneqarsinnaavoq. Tunumi sinerissap qanittuani saarullinniarluni aalisarneq tunngaviusumik killeqarfip 3 somil-ip iluani ingerlanneqarsinnaavoq.

**Takussutissiaq 2 :** Kalaallit Nunaata Kitaani aamma Tunumi sinerissap qanittuani aqutsiveqarfiiit pillugit nassuaat

Aqutsiveqarfik	Imartaq pillugu nassuaat
Kitaa (NAFO 1A-1F)	Kalaallit Nunaata aalisarnermut oqartussaaffigisaata ilaa taanna, kangerloqarfinnik attuumassutilinnik ilaqlarluni tunngaviusumik killeqarfip 3 somil-ip iluaniippooq avannarpasisssutip 78°10'-ip kujataaniilluni aamma avannarpasisssutip 59°00'-ip avannaaniilluni kiisalu kippasissutip 44°00'-ip kitaaniilluni, kangerlunnik attuumassutilinnik ilaqlarluni tunngaviusumik killeqarfip 3 somil-ip iluaniilluni.
Tunu	Kalaallit Nunaata aalisarnermut oqartussaaffiata ilaa taanna, kangerlunnik attuumassutilinnik ilaqlarluni tunngaviusumik killeqarfip 3 somil-ip iluani kippasissutimi 44°00'-ip kangiani inissismavoq.

10 BRT aamma BT angallatip angissusaanut usitussusaanullu uuttuutaavoq taakkulu angallatip angissusaata uppernarsaatitaani takuneqarsinnaapput. BRT (Brutto Register Tons) naatsorsueriaasiavoq qanganisaq atorneqarunnaarsimallunilu, taamaammat angallatinut qanganitanut taanna taamaallaat atorsinnaavoq.

## Avataasiortut

Tunup aamma Tunup kujataata kangiani Kalaallit Nunaata aningaasaqarnikkut oqartussaaffigisaata ilaani avataasiorluni saarullinnik aalisarneq ingerlanneqarsinnaavoq, ICES-ip siunnersuiffigisartagaani ICES XIVa (14a), ICES XIVb (14b), ICES XIIa3 (12a3) aamma ICES Va2 (5a2) tunngaviusumik killeqarfimmit 3 sømil-ip avataani (Takussutissiaq 3).

### Takussutissiaq 3: Tunumi avataasiorluni aqutsiveqarfiiit nassuiardeqarnerat

Aqutsiveqarfik	Imartaq pillugu nassuaat
Dohrn Banke	Nunarsuarmi imartaq pineqartoq, imartap oqartussaaffigisap avataani (allorniusat kimmukartut) kippasissutsip 27°-p kitaani (tunngaviusumik killeqarfimmit 3 sømil-it) aalisarsinnaanermut killeqarfiiup tungaanut (Kalaallit Nunaata aningaasaqarnikkut oqartussaaffiata killeqarfia) avannarpasissutsimut 63°45'-imut kujammut killeqarfilik (allorniusat avannamukartut) aamma kippasissutsip 35°15'-ip kitaata (allorniusat kimmukartut) tungaanut.
Tunup kujataa	Piffik pineqartoq 63°45' N kujataani (titarnernut avannamukaartut) aamma 35°15'V (titarnernut kimmukaartunut) immami killeqarfiiup avataani (3 sømilimik tunngaviusumik killigititamiit) aalisarfiusinnaasup killeqarfia tungaanut (Kalaallit Nunaata aningaasaqarnikkut oqartussaaffia kujammut 42° V (titarnernut kimmukaartunut) aamma 59°N avannaani (titarnerit avannamukaartut) kiisalu 44° V kangiani (titarnerit kimmukaartut) inissismapput

Avataasiorluni Kitaani saarullinnik aalisarneq Kalaallit Nunaata aningaasaqarnikkut oqartussaaffigisaata (EEZ) ilaani NAFO-p imartaani 1-imi tunngaviusumik killeqarfimmit 3 sømil-ip avataani inissismasumi ingerlanneqarsinnaavoq. Kalaallit Nunaata Kitaani aalisagaqatigiaat pingasut aalisarneqarneranni oqimaqaatigiisitsinissaq qulakkeerumallugu, avataasiorluni saarullinnik aalisarneq aqutsivigineqarpoq aqutsiveqarfinni ukuusuni; Kalallit Nunaata Kitaata avanna aamma Kalaallit Nunaata Kitaata kujataa.

### Takussutissiaq 4: Kitaani avataasiorluni aqutsiveqarfiiit nassuiardeqarnerat

Aqutsiveqarfik	Imartamut nassuaat
Kalaallit Nunaata Kitaata avanna (NAFO 1A-1C)	Nunarsuarmi imartaq pineqartoq avannarpasissutsip 64°15'-ip avannaani aamma avannarpasissutsip 78°10'-ip kujataani, imartap oqartussaaffiup killeqarfia atavaanit (tunngaviusumik killeqarfimmit 3 sømil-init) aalisarsinnaanermut oqartussaaffiup killeqarfia tikillugu (Kalaallit Nunaata aningaasaqarnikkut oqartussaaffiata killeqarfia) inissismavoq.
Kalaallit Nunaata Kitaata kujataa (NAFO 1D-1F)	Nunarsuarmi imartaq pineqartoq avannarpasissutsip 64°15'-ip kujataani aamma imartap oqartussaaffiup killeqarfia tassaani illu kujammut avannarpasissutsimut 59°00'-imut tassaani illu kippasissutsim 42°00'-mi kiisalu kujammut aalisarsinnaanermut oqartussaaffik tikillugu inissismavoq (Kalaallit Nunaata eqqaani aningaasaqarnermut oqartussaaffiup killeqarfia)

### 3.3.3 Sinerissap qanittuani avataanilu suffisarfiit

Nunatta imartaani saarulliit suffisartut atugaasa pitsaanerpaaaffii qulakkeerniarlugit aqutsinermut pilersaarummi matumanit suffisarfiit suffisarfiusinnaasullu piffissami 1. marts-imiit 31. maj tikillugu aalisarfigeqquaassanngitsut peqqussutigineqarpoq. Suffisarfit ilangussaq 2-mi takuneqarsinnaapput.

### 3.3.4 Misileraalluni aalisarnerit

#### Avataasiortut

Inuussutissarsiutigalugu aalisarnermik aqutsinissamut paasissutissat pigineqartut amigarmata Tunup avannaani taamaallaat misileraalluni aalisartoqarsinnaavoq. Aqutsinissamut pilersaarutip piumasaraa, Aalisarnermut Piniarnermullu Naalakkersuisoq aqutsiveqarfimmi Tunup avannaani misileraalluni saarullinniarluni aalisarnissamut ukiut tamaasa Naalakkersuisunut aalajangiiffisassatut siunnersuummik saqqummiussisassasoq (Takussutissiaq 5). Misileraalluni aalisarnissanut tunngavissat misileraalluni aalisarnerit pillugit malittarisassat atuuttut naapertorlugit Alisarnermut, Piniarnermullu Naalakkersuisoqarfimmi Pingortitalerifikk suleqatigalugu aalajangersarneqassapput.

**Takussutissiaq 5:** *Aqutsiveqarfik Tunup Avannaas tassungalu sumiiffimmik nassuaat*

Aqutsiveqarfik	Imartaq pillugu nassuaat
Tunup avannaas	Piffik pineqartoq Kalaallit Nunaata avannaani aamma kangiata $42^{\circ}$ V kangiani (titarernut kimmukaartunut) immami killeqarfip avataani (3 somilimik tunngaviusumik killigititamiit) aalisarfiusinnaasup killeqarfia tungaanut (Kalaallit Nunaata aningaasaqarnikkut oqartussaaffia kujammut $27^{\circ}$ titarnerit kimmukaartut tungaanut.



Assi: Royal Greenland A/S

### **3.3.5 Teknikikkut iluarsartuussineq immamilu uumassuseqarfiusuni mianernartuni aqtsineq**

Piujuartisineq siunertaralugu aalisarnerup teknikikkut iluarsartuussivigineqarnera pillugu Namminersorlutik Oqartussat nalunaarutaanni ilaatigut imaani sumiiffinni mianersuutigisariaqakkani aqtsineq, atortut, aalisarnissamut inerteqqutit aamma koraalinik immallu pupiinik pisat sammineqartarput.

Naalakkersuisunit siunniunneqarpoq imaani uumassuseqarfiit manna tikillugu sunnerneqarsimangitsut ajoquserneqannginnissaat. Nalunaaruteqarnermi, ilisimatuussutsikkut misissuinermi imaluunniit nakkutilliinermi aalisarneq malunnartumik ajorsiartortoq paasineqarpat, Aalisarnermut Piniarnermullu Naalakkersuisoqarfiup, Pinngortitaleriffik aamma Aalisarneq pillugu Siunnersuisoqatigut isumasioreerlugit, sumiiffit mianerisariaqarsinnaasut illersorniarlugit aalisarneq killilersuiffigineqassanersoq nalilissavaa. Immammi imartat mianerisassat aallaavigalugit piffikkaartunik killilersuinerit teknikkuk iluarsartuussivigineqarneri pillugit Namminersorlutik Oqartussat nalunaarutaanni ersarissumik allaaserineqassapput.

Imarmi mianerisariaqartut pillugit sukumiisumik toqqaanernut malittarisassaqtitsinernullu nassuiaanerit piumasaqaatillu piffissami aggersumi immap naqqa pillugu aqtsinissamik pilersaarummut ilanngunneqassasut naatsorsuutigineqarpoq.

### **3.3.6 Saniatigut pisanik aqtsineq**

Aalisarnerni saniatigut pisat Aalisarnermi saniatigut pisat pillugit Namminersorlutik Oqartussat nalunaarutaat aamma Aalisakkanik aalisakkanillu tunisassianik tunisinarerit pillugit nalunaarusiortarerit pillugit Namminersorlutik Oqartussat nalunaarutaat naapertorlugit suliarineqassapput nalunaarsorneqarlutilu. Saniatigut pisat tassaatinneqarput angallatip misileraalluni uumassusillit aalisarnissamut akuersissutaanit ilaanngitsut suullunniit imaluunniit minnerpaaffianit minnerit, saarullinnullu taanna 40 cm-iuvoq<sup>11</sup>.

Aalisarnermi saniatigut pisat tamarmik nalunaarutigineqassapput. Aalisarnermi saniatigut pisat tamarmik pisiortortumut tunineqartut saarullinnik tunisinerup nalaani pisarneq malillugu pisiortortumit nalunaarutigineqassapput. Taamaalilluni aalisarnermi saniatigut pisat pisassiinermik tunngaveqartumut aalisarnermut ilaapput, annertussusaalu pisassiissutinit ilanngaatigineqassallutik.

Tunumi avataasiorluni aalisarnermi saarulliit suluppaakkallu angisuut (*Sebastes norvegicus*) aamma suluppaakkat itisoormiut (*Sebastes mentella*) assigiimmik siammarsimaffeqarput, saarullinnillu aalisarnermi suluppaakkanik saniatigut pisaqartarneq avaqqunneqarsinnaanngilaq. Aalisariutinut Tunumi saarullinniartunut suluppaagarniarnissamut akuersissuteqartarnissaq Naalakkersuisoqarfimmit pingartinneqarpoq, taamaasilluni saarullinniarnermut atatillugu suluppaakkat pisat maleruagassat malillugit pisassanit nalinginnaasumik ilanngaatigineqartalissammata.

Nalunaaruteqarnermi, ilisimatuussutsikkut misissuinerni nakkutilliinermiluunniit uumasut aalajangersimasut pisarisuukkat sumiiffimmi piffissamiliunniit sivikitsumi amerlappata, Aalisarnermut Piniarnermullu Naalakkersuisoqarfiup Pinngortitaleriffik aamma Aalisarneq pillugu Siunnersuisoqatigut suleqatigalugit uumasut uumassusilerinermut atatillugu killiffia eqqarsaatigalugu saniatigut pisat annertussusiisa naammaginartumik annertussuseqarnissaannut immikkut iliuuseqarnissaq qulakkeerneqassanersoq nalilissavaat. Taamatut iluuseqarnermi sumiiffimmi imaluunniit piffissakkaartumik matusinerit iliusissalluunniit allat pineqarsinnaapput, tamatumani luu uumassuseqarnermi pisinnaasat saniatigut uumassuseqartut artukkinnginnissaat qulakkeerneqassaaq.

---

11 Aalisarnermi saniatigut pisat pillugit Namminersorlutik Oqartussat nalunaarutaat



Assi: Polar Seafood A/S

4

# NALUNAARUTEQARTARNEQ NAKKUTILLIINERILLU

## 4.1 NALUNAARUTEQARNEQ

### Sinerissap qanittua

Sinerissap qanittuani qaleralinniarluni aalisarnermi nalunaartarnerit assigiinngitsut arlaliupput, aalisartup pisiortortullu naammassisassaat. Aalisarnermiq nakkutilliineq pingarnertut aalisartumiit pisiortortumut aalisakkanik aamma aalisakkanit tunisassianik tunisinikkut ingerlanneqassaaq, tassungalu ilanngullugu aamma aalisartup pisaanik KANUAPNA-mut pisiortortup nalunaaruteqarnissamut pisussaaffiatigut. Tunisinermi pisat tamaasa pillugit paasissutissanik ilanngussisoqassaaq, tassunga ilanngullugu saniatigut pisat igitallu.

Akuersissut inummut namminermuinnaq atuuppoq. Akuersissutaatilik aalisarnermi nammimeq najutissaq kiisalu tunisinermi aamma nammimeq najutissalluni.

Angallatit mikinerusut (takissutsimikkut 9,4 meterinik naannerusut) angallammi pisanik allattaaveqarnissamut pisussaaffeqanngillat, taamaallaallu tunisinermi pisat nalunaarutigisussaallugit.

### Avataasiortut

Avataasiorneluni aalisarnerni aalisariutip / naalakkap tunniuttussaatitassaat nalunaarusiornerit assigiinngitsut arlaliupput. Aalisarnerup nakkutigineqarnera aalisariutip nalunaartussaatitaaneranik aamma allattaaveqartussaatitaaneranik siullertut tunngavigineqassaaq. Allattaavissornissaq siogqullugu aalisariutit anginerusut suliatik pisatillu pillugit nalunaarutinik nassiussuissapput, tassunga ilanngulligit aalisarneq, tikinneaq, sapaatip akunnikkuutaartumik aamma aalisangginneq pillugit nalunaarutit. Taakkua saniatigut angallatit avataasiortut qarasaasiatigoortumik angallatinik nakkutilliinermi taaneqartartumi VMS-imi (Vessel Monitoring System) ilanngunneqarput.

## 4.2 ALAPERNAARSUINEQ, NAKKUTILLIINEQ AAMMA MISISSUINEQ (MCS)

Aalisarnerit Kalaallit Nunaanni Aalisarnermut Píniarnermullu Nakkuliisoqarfimmit (KANUAPNA) nammineerluni aalisariutiniilluni nakkutilliinikkut allaffissornikkulluunniit nakkutigineqarput.

### Sinerissap qanittua

Sinerissap qanittuani aalisarnerit imatut nakkutigineqartarpuit:

- Tunisinermi paasissutissanik alapernaarsuinik, tassunga ilanngullugu nalunaarsuinik, atortussanngortitsinikkullu
- Tulaassanik nakkutilliineq
- Imaani nakkutilliinerit (Issittumi Sakkutooqarfik)

KANUAPNA-p Nuummi qitiusumik allaffeqarfiani allaffissorluni nakkutilliisoqarpoq. Nakkutilliineq paasissutissat nalunaaruteqartussaatitaaneq atorlugu KANUAPNA-mit tiguneqartunik misissuinikkut pisarpoq, tassungalu ilaapput nalunaaruteqartussaatitaanermi paasissutissanik upternarsaaneq. Aalisakkanit tunisassianik pisiortortut tamarmik pisussaapput elektroniskimik tunisinerit tamaasa paasissutissanik nassiussissallutik, tassungalu ilaapput assersuutigalugu imaani miluumasumik, timmissanik imarmiunik, koralinik pupinnillu pisat. Paasissutissat sapaatip akunnikkaartumik nassiunneqartassapput aamma kukkunersorneqartassallutik kiisalu aalisarneq pillugu paasissutissanik katersuivimmut LULI-mut ilanngunneqassallutik taamaalluni pisassiisutit sinneruttut qanoq annertutiginersut naatsorsorneqarsinnaaqqullugit. Aalisartoq pisat tamaasa pillugu nalunaaruteqarnissamut pisussaavoq aamma tunisassiat tulaanneqannngitsut pillugit.

KANUAPNA nakkutilliisoqarpoq angallatip aalisarnermut tunngasunik suliaanik malinnaallillu nakkutilliisunik. Nakkutilliisut angallatinut Kalaallit Nunaanni aalisarsinnaanermut akuersissutaatilinnut ikisinnaatitaapput.

KANUAPNA aalisarnermk nakkutilliisoqarpoq imaani tulaassinernilu sinerissamut qanittumi aalisarnermk nakkutilliisinnaasunik.

## Avataasiortut

Avataasiortunni aalisarnerit nakkutigineqarnerat imannak suliarineqartarpooq:

- Nalunaarutinik, allattaavinnit paasissutissartaannik, tunisinerit paasissutissartaannik aamma angallatinik nakkutiginninnerit aqqutigalugit nakkutiginnitoqassaaq, taakkununngia ilanngullugit nalunaarsuinerit aamma nakkutilliinerit
- Tunisinerni nakkutilliinerit / Port State Control (PSC)
- Angallatini nakkutilliisut
- Imaani nakkutilliinerit (Issittumi Sakkutooqarfik)

Allaffissorluni nakkutilliinerit KANUAPNA-p Nuummi qullersaqarfianit ingerlanneqartarpooq paasissutissat nakkutiginnittussaatitaaneq allattaaveqartussaatitaanerlu naapertorlugit KANUAPNA-mut tunniunneqartut malillugit angallatinik nakkutilliinerit ilanngullugit. Taamaalilluni nalunaarutit assersuutigalugu pisat amerlassusaat sumiiffiillu nalunaarusiani tamani assigiinnerat qulakeerniarlugit allattaavinnut VMS-inillu paasissutissat sanillersuunneqartarlutik. Tamatumma saniatigut KANUAPNA-mi Port State Control (PSC) nunanit allaneersut nakkutilliisut suleqatigalugit isumagineqartarpooq, tamatumani KANUAPNA-mi kalaallit pisarisimasaat nunani allani umiarsualivinnut tulaanneqartut uppernarsarneqartarpooq aamma nunanit allamiut aalisariutaasa nunatsinni umiarsualivinnut tulaassaat misissorneqartarlutik.

KANUAPNA nakkutilliisoqarpoq angallatip aalisarnermut tunngasunik suliaanik malinnaallutillu nakkutilliisunik. Nakkutilliisut kalaallit nunallu allamiut aalisariutaannut nunatta imartaanni aalisarnissanut akuersissutaatilinnut imaluunniit kalaallit aalisariutaannut nunat tamalaat imartaanni aalisarnissamut akuersissutaatilinnut ilaatinneqarsinnaapput.

Tamatuma saniatigut KANUAPNA Issittumi Sakkutooqarfimmuniit timitaliillutik aamma nakkutilliisartunik suleqateqarluartarpooq. Issittumi Sakkutooqarfimmuiit aalisarnermi angallatinut tamanut ikisinnatitaapput, nakkutilliisinnatitaapput pisariaqarpallu tigusarinissinnaallutik. Issittumi Sakkutooqarfimmuiit ilinniartunik aalisarnermut aqumioqarput, tamakku aalisarnermut atortunik aamma lastimiittut allattaavinnut allanneqarsimasunut naapertuunnersut misissorsinnaavaat. Issittumi Sakkutooqarfik politiitut oqartussaassuseqarput, tamannalu Kalaallit Nunaanni Politimestereqarfik suleqatigalugu isumagineqartarpooq.

KANUAPNA avataasiortut tulaassinerini timitaliilluni nakkutilliisarneri. Aalisariut Kalaallit Nunaanni umiarsualivimmut tikikkaangat usingiartussanngoraangallu KANUAPNA-mi aalisarnermut nakkutilliisut tulaassanik nakkutilliisarput. Usingiarneq tamaat nakkutilliisunit nakkutigineqartarpooq tamakkulu aalisakkanit tunisassiassanik poortutissartaannillu sukkut tamaana tigusisarlutik misissuisarput.

### 4.2.1 Ullut tamaasa nalunaaruteqartarnerit

Pisassiissutit aalisariutillunniit pisassai nungleraangata aalisariut pineqartoq ullaat tamaasa nalunaarsukkanik nassiuussuisaqquullugu KANUAPNA-mit peqquneqarsinnaavoq. Nalunaarutit tamakku sapaatit akunnikkutaartumik nalunaarutaasartut assinganik imaqtassapput. Tassa aalisarnerit qanimut nakkutiginerujumallugit piffissarlu eqqorlugu matusisoqarniassammat taamatut iliorqartarpooq.

### 4.2.2 Aalisarnerup unitsinna

Pisassiissutit nungleraangata aalisarnerit pineqartut KANUAPNA-mit oqartussaasutut matuneqarsinnaatitaapput. Matusineq pillugu tusagassiorfitsigut nalunaaruteqartoqartarpooq.

Aalisarnermik nakkutilliinermut tunngatillugu aalajangersakkat tamakkiinerusut Aalisarnermik nakkutilliineq pillugu Namminersorlutik Oqartussat nalunaarutaani atuarneqarsinnaapput.



Assi: Julius Nielsen, Pinngortitaleriffik

### 4.2.3 Umiarsuup elektroniskimik allattaavii

Aalisariutit 17 meterimit LOA takinerusut tamarmik juni 2022-mit umiarsuup allattaaviinik elektroniskiusunik atuissussanngortinneqarput atortorlu taanna KANUAPNA-p sakkussaanut ilaalerluni. Umiarsuup elektroniskimik allattaaviinik (ERS) atuilerneq suliat sukkannerusumik suliarineqartalerneranik erseqqinnerusunillu paassisutissaateqalernermik kinguneqassaaq KANUAPNA-llu pingaartumik avataasiortunik nakkutilliisnerinik pitsanngoriartitsissalluni.

## 4.3 NALUNAARUTIGINNINNERIT

Aalisarnermi malittarisassanik unioqqutitsisoqarnerani KANUAPNA politiinut nalunaarutiginnittarpoq.

Inatsisini atuuttuni aalajangersakkanik unioqqutitsinerit tamarmik akiliisitaanermik kinguneqarsinnaapput. Kalaallit Nunaanni aalisarneq pillugu inatsisit attuumassuteqartut tamakkerlutik nalunaarutit.gl aqqutigalugu pissarsiarineqarsinnaapput.

Kalaallit Nunaanni aalisarnermut malittarisassanik imaluunniit suluppaagarniarnermut akuersissummi allassimasunik unioqqutitsinerit akuersissutip atorneqarsinnaatitaanerani killilersuiffigitinnermik kinguneqarsinnaapput.



Assi: Julius Nielsen, Pinngortitaleriffik

# **ILANGUSSAQ 1. INATSISIT ATUUTTUT IMMIKKUT ATTUUMASSUTILLIT**


- Aalisarneq pillugu Inatsisartut inatsisaat nr. 29, 23. maj 2024-meersoq
- Aalisarsinnaanermut akuersissutit pisassiissutilu pillugit Namminersorlutik Oqartussat nalunaarutaat nr. 10, 4. februaari 2025-meersoq
- Aalisarnerup teknikikkut iluarsartuussivigineqarnera pillugu Namminersorlutik Oqartussat nalunaarutaat nr. 12, 4. februaari 2025-meersoq
- Aalisarnermi saniatigut pisat pillugit Namminersorlutik Oqartussat nalunaarutaat nr. 14, 6. december 2011-imeersoq
- Aalisakkanik aalisakkanillu tunisassianik tunisisarnermik nalunaarutiginnittarneq pillugu Namminersorlutik Oqartussat nalunaarutaat nr. 7, 4. april 2016-imeersoq
- Aalisarnermik nakkutilliineq pillugu Namminersorlutik Oqartussat nalunaarutaat nr. 39 20. januar 2023-meersoq.
- Qaammataasat atorlugit aalisariutinik nakkutilliineq pillugu Namminersornerullutik Oqartussat nalunaarutaat nr. 21, 30. maaji 2001-imeersoq
- Aalisarnermik alapernaarsuisut suliassaat pisinnaatitaaffilu pillugit Namminersornerullutik Oqartussat nalunaarutaat nr. 3, 18. marts 2004-meersoq
- Pisat ilaasa nalunaarutigineqarnerini naatsorsueriaatsit pillugit Namminersorlutik Oqartussat nalunaarutaat nr. 48, 18. december 2020-meersoq

Nunatsinni aalisarneq pillugu inatsisit attuumassuteqartut tamakkerlutik nalunaarutit.gl aqqutigalugu pissarsiarineqarsinnaapput.


# ILANGUSSAQ 2. SAARULLIIT SUFFISARFII PIFFISSARLU SUFFIFIUSOQ

**Ilanngussaq takussutissiaq 1:** Suffisarfiiit 1. marts-immiit 31. maj tikillugu matuneqartartut  
(taakkulu sumiissusersissutissartai)


Sumiiffik	Imartaq pillugu nassuaat	Piffissaliussaq matoqqaffiusussaq
Kleine Banke	Kalaallit Nunaata imartaani aalisarfiusoq sumiiffiup sumiissusersiornermi allorniusat atorlugit inissismaffiata taakkartorneqartup iluiniittooq: Avannarpasissuseq 65°00' kippasisssuseq 38°00'; avannarpasissuseq 65°00' kippasisssuseq 35°15'; avannarpasissuseq 64°00' kippasisssuseq 35°15' aamma avannarpasissuseq 64°00' kippasisssuseq 38°00'	1. marts – 31. maj
Tovqussaq Banke	Kalaallit Nunaata imartaani aalisarfiusoq sumiiffiup sumiissusersiornermi allorniusat atorlugit inissismaffiata taakkartorneqartup iluiniittooq: Avannarpasissuseq 64°00' kippasisssuseq 53°00'; avannarpasissuseq 64°00' kippasisssuseq 55°00'; avannarpasissuseq 65°00' kippasisssuseq 55°00' aamma avannarpasissuseq 65°00' kippasisssuseq 53°00'	1. marts – 31. maj
Dana Banke	Kalaallit Nunaata aalisarnermut oqartussaaffigisaani imartaq, avannarpasissuseq 62°N-p avannaaniittooq avannarpasissutsillu 63°N-p kujataaniittooq kippasisssuseq 52°V-p kitaanut killeqarpoq kangimullu imartap oqartussaaffiup killeqarfianut killeqarpoq (tunngaviusumik killeqarfimmit 3 somilit)	1. marts – 31. maj
Kapisillit kangerluata qinnguani Amerallip Kangerluata qinnguani	Kalaallit Nunaata imartaani aalisarfiusoq sumiiffiup sumiissusersiornermi allorniusat atorlugit inissismaffiata taakkartorneqartup iluiniittooq: Avannarpasissuseq 64°15' kippasisssuseq 50°00'; avannarpasissuseq 64°15' kippasisssuseq 50°30'; avannarpasissuseq 64°30' kippasisssuseq 50°30' aamma avannarpasissuseq 64°30' kippasisssuseq 50°00'; uku imartanut ilisarnaatit assigalugit JG031, JG032, JF031 aamma JF032	1. marts – 31. maj
Ikertuuq Kangerluata qinnguani Qeqertaliup kangerlua	Kalaallit Nunaata aalisarnermut oqartussaaffigisaani imartaq, sumiissusersiornermi allorniusat atorlugit inissismaffiata taakkartorneqartup iluiniippoq: Avannarpasissuseq 67°00' kippasisssuseq 52°45'; avannarpasissuseq 67°00' kippasisssuseq 52°15'; avannarpasissuseq 66°45' kippasisssuseq 52°15'; avannarpasissuseq 66°45' kippasisssuseq 53°00'; avannarpasissuseq 66°50' kippasisssuseq 53°00' aamma avannarpasissuseq 66°50' kippasisssuseq 52°45'; taakkulu imartanut ilisarnaatit KH022, KH023, KG023, KG022 kiisalu KG021 kujasinnerusortaata Qeqertaliup kangerluata inissismaffigisaata assigaat	1. marts – 31. maj



**Ilusiligaq 1:** Suffisarfinnut tamanut takussutissiaq.



**Ilusiligaq 2:** Ikertuup Qeqertaliuup kangerluani suffisarfiit.



**Illusiligaq 3:** Kapisillit Amerallillu kangerluani suffisarfiit.